


大日本史



番外音册

五三册	一三架	二七函	一三二一六號	和書門類
-----	-----	-----	--------	------

三八兩	一五三册	一三二一六號	和書
-----	------	--------	----

内閣文庫	
番號	和 13216
冊數	53(39)
函號	138 102

自一百二十六至一百三十六

四十三

史



淺草文庫

大日本史卷一百二十六

列傳第五十三

權中納言後三位源光圀修

男權中納言後三位綱條校

藤原園人

藤原緒嗣

子春津


清原夏野

藤原園人中衛大將房前孫大藏卿楓麻呂長

子也

公卿補任

寶龜末叙從五位下為美濃人天應




大日本史卷一百二十六

元年遷備中守延曆初歷少納言右少辨安藝
備後守為太宰少貳既而為豐後守續日遷大
和守入為右京大夫所在著績稱為良吏百姓
追思為立生祠稍遷治部太輔右太辨大藏卿兼
相模守大同元年轉宮内卿任權參議遂為真兼
皇太子傅累授正四位下勳二等為山陽道觀察使
補奏曰西海道年中上都雜使其數繁多而此道疲
弊異於他境檢察其由率緣迎送無息不得顧
私望請西海道五位已上自非秩滿解任者不

聽輒入京敕許之類聚國史二年又奏曰備

前國解備書生等言已等白丁課役之民而
長直公事不顧私業或久經京丁永妨農業
或巡行部内私費人馬身勞不異郡司榮祿
還無所賴伏望時告官司借貸正稅各救窮
之國司勘之事有合矜仍請使裁使等高量
賞則招人餌則聚魚若不優矜則部内公文
將託誰人望請當道諸國隨國大小正稅一
萬二千束已下八千束已上每年借貸令自



勸勉救宜差量給之若有未納令國司填之
 立為恒例畿內七道諸國亦宜准此三代又
 上言播磨國內封戶巨多運租之勞於民為
 弊加以界近都下雜用繁多動用穀類不足
 支用不動之貯只九萬斛熟尋其原田封戶
 之數多也伏望減省春宮坊並諸寺封五百
 戶移附東國即收其租以為不動然則弊民
 斯息貯物自積許之三年奏當道播磨備中
 備後安藝周防等五國去延曆四年以降二

十四年已往庸並雜穀等欠負其數不少良
 由頻年不稔人民彫弊也今將追辨本色國
 司則或死或替幹濟難成百姓則旦病旦飢
 運進太難伏望欠負之物一枚類稍混合正
 稅庶於公無損於私得便但任觀察使以來
 一依舊令辨進許之類聚是歲轉民部卿行
 北陸道事補四年奏言伏按去四月二十八
 日詔書備大辟已下罪無輕重常赦所不免
 咸皆赦除者非常之恩率土幸賴凡厥大小

誰不霑澤方今當道諸國損弊年久公途難
辨當時宰吏或有欠負雜物檢怠則罪逢赦
降勅物則實在貧民使付後任還移前答相
續催煩輸轉不絕准之事由元非狹情此之枉
法輕重自分伏望大同元年以來調庸雜
米等未進者官用有限支料頻乏茲須依數
催進自餘雜未納未進之類在恩詔之前者
悉從免除庶使窮困人民永忘舊歲之責見
任國司頓絕前官之怠許之其京畿茲諸國

准之類聚累進正三位中納言弘仁元年轉

大納言神奏言謹按去延曆十四年閏七月

一日敕減諸國出舉正稅息利率十束收利
三束由茲觀之矜百姓之罄乏惜崩俗之弊
衰也大同之初改張此例更率十束收利五
束兩來迄今彫損滋甚水旱疾疫頃年相仍
僅賴今歲之豐稔少慰先時之菜色然而窮
困之民未得興復備償之煩當從輕貶伏請
論定公廨及雜色稻出奉息利始自今年一

依延曆十四年敕行之度令改重後輕濟弊
招益敕許之二年奏言夫郡司有勞之胤奕
世相承郡中百姓長幼託心臨事成務實異
他人而偏取藝業永絕譜筭用庸材之賤下
處門地之勞上為政則物情不從聽訟則決
斷無伏於公難濟於私多患望請郡司之擬
先盡譜筭遂無其人後及藝業詔應度設教
為政之要樞高時制宜濟民之本務故昔堯
舜異道而天下歸仁湯武殊治而蒼生欣賴

朕還淳返朴之風未覃下土興滅繼絕之思常
切中襟夫郡領者難波朝廷置其職有勞之人
世序其官逮于延曆年中偏取才良永廢譜筭
宣依來奏明年又奏夫量能授職邦教攸先訓
俗宣風郡司是寄故任當其器則度績咸康委失
其才則政治自亂加以譜筭未事既復舊例
奕世相繼義在家賢是以國司簡定銓擬上言
無賴之徒不領銓擬之例或身在京第第相告
柳退國選遂奪其位一民之志未有推服百里

之任何能可堪臨事面墻操刀傷錦其之為弊
古今一揆望請銓擬郡司一依國定若選非其
人政績無驗則署帳之官或鮮見任永不叙用
以懲將來敕依奏但主政帳不在此限三代三
年為右大臣補四年奏念舊酬勞賢哲遺訓重
生愛命貴賤無殊今天下之人各有僕隸平生
之日既役其力病患之時即出路邊無人看養
遂致餓死此之為弊不可勝言伏望布告京
畿早後禁止庶令路傍無天枉之鬼天下多

終命之人敕宜令加禁制猶致違犯者五位
已上注名奏之六位已下不論蔭贖決杖一
百臺及職國知而不糾及條令坊長國郡隣
保相庇不告並與同罪榜示要路分明告知
類聚五年進從二位補奏去大同二年停正
國史月二節迄干三年入廢三月節大槩為省費
也今正月二節復干舊例九月節准三月去
弘化三年己未更加花宴准之延曆花宴獨
剩此之大同四節更起顧彼祿賜庫貯罄乏

伏望九日者不入第會之例須臨時擇定堪
文藻者下知所司庶絕他人之望省大藏之
耗又奏去延曆十年車駕幸文野此時禁畿
內國司獻物而此年間曾無遵行寄言貢獻
還煩百姓不穩之譏相繼無息伏望自今以
後一切禁斷但臣下之志私有供進者不在
禁限許之類史聚又奏諸國所收官物本倉色
目具注稅帳而國司或非其人有便郡稻即
免公辭當土百姓不得舉給遠授他郡徒疲

徃還是以不便之處物數有剩至于交替通
計諸郡名無欠失實與帳違積習成倍其弊
未改出雲國最多此類縱令甲郡應賸而納
乙處枉賊作亂還致失火帳注全倉物既灰
燼公家之損莫過斯甚伏望自今以後下知
諸國依帳收納甲乙之郡不許通計若本倉
相違准狀科處庶令官家少損黎民濟急類
國史三八年奏依太政官延曆十八年四月
十三日符畿內五國郡司一居內考率由近

接都下驅策殊甚准於外國不可同日今如
此輩未出身前相競如林既得考後詐告病
假非常闕弃郡務誠是欺犯朝章伏望自今
以後有斯類者國司勘實一從還本若有國
司受彼請託輒解却者准狀科附不從寬典
庶遏斯源以勵後進敕並許之三代九年薨
年六十三帝甚悼惜遣使監護喪事贈正一
位左大臣称山科大臣日本紀嘗奉敕與萬
多親王撰姓氏錄日本書紀子濱主從四位下

安藝守續日本後紀

藤原緒嗣式部卿百川長子也補任延曆七年
加冠殿上其僕頭巾子賜乘輿之所御即授
正六位上補内舍人賜劔敕曰是汝父所獻
也汝父壽詞于今未忘每一思之不覺淚下
今以賜汝宜莫失焉尋賜封百五十戶既而
進從五位下續日本後紀補侍從為中衛少將
十五年兼常陸内内廐頭俄遷衛門佐明年
兼内藏頭轉衛門督兼出雲守為右衛士督

從

二十一年行幸神泉苑宴闌令緒嗣彈倭琴
召右大臣神王耳語良久乃流涕更召皇太
子及親王陪殿上即詔曰微緒嗣之父朕豈
得踐帝位哉雖知緒嗣年少為群下所恠而
其父元功朕尚不忘宜拜參議以報宿恩神
王奉敕使起引唱續日本紀乃拜參議持賜別
封白戶二十三年兼山城守補任明年詔與管
野真道議政事得失緒嗣曰方今天下所若
者軍務土木停此兩事則百姓休息帝善之

告


紀大同中為山陰道觀察使俄遷畿內觀察
使兼侍從左大辨尋兼刑部卿遷東山道觀
察使兼陸奧出羽按察使續日本紀奏曰國以
民為本民以食為命而鎮兵三千八百人一
年糧料五十餘萬束因此百姓靡弊倉廩空
虛如無蓄積何防非常加以往年每有征
伐必課軍糧於坂東伏請以坂東官稻充陸
奧公辭以陸奧公辭留收官庫然則公私得
所實慙便宜又奏陸奧國國司鎮官等各以

公齋作差令舂米四十餘斛雇人運送以充
年糧雖因循年久於法無據但邊要之事頗
異中國何者芴田以北近郡支軍糧信夫以
南遠郡稍給公齋其去國府二三百里於城
柵七八百里事力之累不可舂運若勘當停
止必致飢餓請給舂運功為例行之並許之
類聚國史遷右兵衛右衛門督停按察使歷近江
美濃守遷宮內卿兼河內守弘仁八年拜中
納言累進正三位民部卿十二年轉大納言

告

續日本後紀十三年奏言臣昔忝陞奧出羽按察

使道經東山略問百姓之苦天下重役莫過
驛戶夏月飲河不顧產業冬日履霜常事遞
送雖寬免其庸徭勤若倍於平民伏請諸國
驛子准書生例每戶量給借貸稻二百束兼
擇驛下好田混授一處許之類聚國史明年
叙從二位兼皇太子傅續日本後紀神任
及淳和帝
修大嘗緒嗣與右大臣藤原冬嗣等侍清涼
殿奏曰聖主相續大嘗頻御天下騷動人民



多疲然神事不得已今年大嘗須停飾省弊
帝喜之冬嗣請令緒嗣檢校其事許之緒嗣
亦請以中納言良岑安世參議伴國道等為
檢校便以治部省廳為行事所唯齋院卜筮
定之宮內省為悠紀所中務省為主基所權
作屋用之但齋場依例設於北野凡玩好金
銀刻鏤等飾一切不用標以賢木造之用橘
并木綿類書悠紀主基字著樹抄以清素供
神事耳類聚國所用正稅悠紀主基各十萬

堅

依國司之請各減五萬以後省約又運悠紀
主基西國雜物擔大谷給路糧類聚天長二
年為右大臣納封一千戶以助國用九年為
左大臣續日本後仁明即位進正二位弘仁
以降十上表辭職三朝優詔不許至是以衰
邁不堪務固辭之乞骸骨請減職封五百戶
亦不許養和二年賜攝津島上郡荒田三町
明年請辭職田職分資人雜色考人衛士以
助國用不許四年歲飢緒嗣上表曰臣年老

病重出入絕望在床引日既過一紀臣竊見
天下宮庫空罄國用闕乏况今年不稔衣食
共損倉庫不實何知禮節天長之初臣已上
竟見奏言省不要之官斷文華之費而臣今
嬰疾空積星霜曠官之責可謂其首夫文章
者曆代不朽也豈口奏其言而久居職哉加
以陰陽不調責在臣子伏望停不當之號開
賢德之進然則天道無災自作中興非敢逃
天澤之采名飾之利不許尋賜山城宇治郡

公田若干十年屢上表乞骸骨詔曰省表
具之深以悲感朕自在大哀荒襟逆繆雖
迫遺制不能自勉是以政無大小聽于冢
宰然則恩信之勤須倍常日託委之情當在
此時而認意褫服致誠懸車前後累表確字
不移殆將依請則具瞻之寄闕之於國縱不
遂望則高舉之求損之於公畢景終宵思服
成疾然義不在飾信終歸誠頻抑冲祈恐傷
乃懷故屈朕懇慕申公謙退望朝端而空座

辨台階以生塵徘徊于此心無所厝但至道
不限大忠無終公家之有無王室之利害言
之不諱議而不盡自後猶相累幸勿金玉乃
音是乃所以相共終始之大望也春寒想強
加食旨不多及於是致仕未幾薨年七十稱
山本大臣續日本後記帝遣使監護喪事遺
言不受詔曰念功惟深懷德即舊總天工之
綱紀為人臣之重望况乎自朕幼冲翊比王
室志同鷹隼操均松筠夫哀以悼往采以飾

終宜崇竈贈用光幽懷可贈從一位緒嗣曉
達政術卧治庶務國之利害知無不言但偏
信先人之言不容後說以是得譏續日本後記嘗
撰姓氏錄及日本後紀子家雄春津家雄從
四位上左兵衛督天長中卒年三十四性清
介有家風好典籍兼善步射人惜其未及執
臺簡而早卒類聚國史

春津風姿美麗清警寬雅天長中擢左近衛
將監遷皇太后宮大進兼和中之為侍從拜右

馬頭及父致仕其第三表使春津進之敕曰
左丞相藤原朝臣公先朝之元勳而朕之舊
德也近功成名遂歸老於第朕以几杖禮優
之不敢負公之故也然政之資賢相猶病之
待良醫永言干此意慕彌深夫鬼神有智體
清慎者壽命永福祿無主復忠孝者子孫昌
正五位下右馬頭藤原朝臣春津是公之孝
子特可進階品以慰目前可授從四位下嘉
祥末丁母憂去職未幾奪情起之任右兵衛

督仁壽奔衡間遷刑部卿至從四位上兼但

馬守貞觀元年為備前守並不之官

續日本後紀文

德實錄三
代實錄

是歲卒年五十二春津家世貴顯

貲財甚富居宅營構最務鮮華而性寡嗜欲
不貪財利惟愛馬時時觀之以為娛玩養間
里第朝參頗布帝戲語左右曰春津是南山
之玄豹也三代實錄

清原夏野初名繁野三原王之孫小倉王子

也續日本後紀補任

延曆二十三年為內舍人小倉

王表請繁野及小倉別王之孫內舍人山河
寺依大上王故事同賜清原真人姓且繁野
名觸皇子改繁為夏許之大同中歷中監物
遷大舍人大允弘仁中補藏人叙後五位下
為宮內少輔春宮大進轉春宮亮兼讚岐伯
耆下總寺守補藏人頭兼左近衛中將近江
權守補任無權字
今據三代拾任參議天長元年累進後
四位上補任奏曰國中之政朝集使當奏言而
或附史生至干問政譬如面墻伏望差官長

副史生一人其國滯政面陳於玉階之前然
後罷遣但有可奏於玉階前者雖非朝集使
聽入京無可奏之事雖朝集使不聽之又奏
除不堪佃之外別有常荒田百姓耕作國司
徵租民畏此迫常憚耕食伏望一身之間永
聽耕食但六年之後徵租如法敕並後之三代
拾明年進後三位任中納言兼左兵衛督三
年遷兼左近衛大將民部卿補任奏曰設置八
省職寮相隸百官守職庶務俱成一事有闕

萬事皆緩今親王任八省卿此人地望素高
不得執職無知碎務是故官事自懈政追日
燕非是庸愚之所致因地勢使之然也凡官
人遷代必署解由至有欠物不免償物望請
點定數國為親王國迭任彼國身留京都意
欲居京官者須聽一兩人若有守闕者不補
他人其料物者納置別倉夫無品親王之用
後之三代七年為大納言補淳和帝幸其雙
園山莊擇文人三十人賦詩授妻葛井庭子

後五位下

類聚國史紀畧

八年叙正三位九年為右

大臣大將如故

補任

初藤原不比等作令傳歷

年久當時學者互作異同乃詔夏野跡決壅
滯解釋文義夏野與參議南淵弘貞藤原常
嗣文章博士菅原清公等論辨折衷作義解
十卷十年書成奏之上表曰臣夏野等言述
聰列辟略閱縑緗踦歷登皇乘圖稱帝莫不
堯號施令張經緯而理邦齊禮畏刑設隄防
以濟代者也雖云龍鳳異記文質遞興至於

訓俗庇人殊塗同致伏惟聖主道光四表德
被百王拱巖廊以垂衣臨寰區而作鏡彝倫
攸叙禮樂交通鴻化所覃華夷感悅然猶霄
衣宣室恐萬機之有愆晏食合宮念冲旨之
不愜遂降冲宮搜揚法家以為前儒解釋遞
有乖向淺深易混輕重難詳臣等識謝張蒼
業非陳寵謬以庸弊叨應明詔或筆或削一
增一損其疑而不決闇而未明皆仰稟宸規
斷之聖覽據時制變合古便今誠可改生靈

之視聽為皇王之模範者也裁成十卷名令

義解星霜五變繕寫功遂拜表呈奏狀深戰

越解令義仁明即位叙從二位兼和元年嵯峨

上皇幸雙岡莊進其子隴雄澤雄秋雄位先

是夏野屢請解大將不許四年上表又辭唯

罷大將不許還食封尋薨年五十六續日本後紀

畧贈正二位稱雙岡大臣又以創比寺稱比

大臣補子隴雄秋雄隴雄天長中任右兵衛

少將累遷雅樂頭居父喪哀毀過禮朝廷奪

大日本史卷一百二十六

情以本官起之三代實錄嘉祥末進從四位上尋

為安藝守遷中務太輔貞觀中丁母憂解職

詔起復五年卒于官年六十五文德實錄秋

雄工射藝善挽強弓兼和初為侍從遭父喪

解官明年詔以本官起之伴健岑等謀反遣

秋雄守大枝道貞觀中至從四位上右兵衛

督秋雄不脩細行飲酒過差晚節最甚十六

年平時年六十三續日本後紀

大日本史卷一百二十六終

大日本史卷一百二十七

列傳第五十四

權中納言從三位源光圀修

男權中納言從三位細條校

滋野貞主

小野岑守

藤原三守

安倍安仁

藤原吉野子良近

大日本史卷一百二十七

朝野鹿取

藤原良繩

滋野貞主尾張守家譯子也貞主身長六尺二寸以文學著大同初奉文章生試及第弘仁中為大內記叙外從五位下遷圖書頭為東宮學士天長中叙從五位上與諸儒撰集古今文書以類相從凡一千卷名秘府畧文德實錄類聚國史公卿補任仁明帝即位歷內藏頭宮內太輔兼和中歷兵部太輔彈正大弼叙從四位上任大藏卿兼讚

岐守遷式部太輔拜參議為勅解由使長宮續

本後紀文尋陳便宜十四事文多不載嘉祥初

兼尾張守時太宰府吏多不良衰弊日甚貞主上表曰夫太宰府者西極之大壤中國之領袖也東以長門為閩西以新羅為拒加以九國二島郡縣闊遠自古干今以為重鎮夫謀事必就袒發政占古語因檢舊記大唐高麗新羅百濟任那等悉託此境乃得入朝或緣貢獻之事或懷滯化之心可謂諸藩之輻湊中外之閩門者

也。因茲有德為帥，貳才良為監典。若無其人，選取辨官。式部頃年以來，絕而不行。近得蜚語，之彼吏或擊目閉口，似避時之人，或忘耻貪財為聚斂之吏。府司國宰，莫不悲傷。若如此不愛，恐噬臍不及。臣聞此語，心神困措。雖此之蜚語，有何信據，而臣子之理，何不預憂。又聞少貳小野朝臣恒柯，筑前守紀朝臣今守，有意執諭無力，矯枉未審，虛實唯得耳剝。臣不勝血誠，伏觸逆鱗，言詞切直，不省遷宮內。

卿文德即位，授正四位下，兼相摸守仁壽二年，毒瘡發唇，吻詔賜醫藥，中使相望於路。未幾卒，年六十八。遺戒子孫，殯殮一從儉薄。身死之後，唯齋供而已。貞主雅有度量，涯岸甚高，而天性慈仁，恐詔傷人，其在銓官，汲引進士，隨置選叙。死之日，知與不知，莫不流涕。愍惜焉。初，貞主之宅在西寺之南，捨而創寺，奏請為西寺別院，管攝唐慈恩寺，因號慈恩

院。續日本後紀
文德實錄

州... 卷之二十七

小野岑守大德冠妹子玄孫也父永見征夷

副將軍補岑守長吏事政事延曆末為權少

外記大同中任畿内觀察使判官超授從五

位下類聚國史補任歷右少辨式部少輔嵯峨在儲

宮岑守與菅原清公等侍讀弘仁中為内藏

頭歷陸奥阿波守入為治部太輔叙從四

位下兼皇后宮大夫十三年任參議兼太宰

大貳補明年以民困乏欲令管内九國佃公

宮田於是詳錄事實陳其區畫上表曰洪水

縮天大旱鑠地自然之數大聖無免唯堯湯

之世有十年之蓄不聞道殣相望弃捐溝壑

者積蓄多故也方今頻年不稔雜加疫癘臣

所忝道非常被害振恤數加府庫稍罄寬政

頻行民猶不足比屋無嬰炊之烟連戶多荒

涼之門因斯薄賦省徭既闕支度之務公用

守常貴民輸貢之費儻非通變治恐難致易

曰通其憂使民不倦劉子曰明主務修其法

因時制宜苟利於民不必法古害於事不可

大日本史 卷之二十七 四

循舊夏商之衰不廢法而亡三代之興不相
襲而王由此觀之法宜變動非一代也今法
者溺於故律儒者拘於舊禮若握一世之法
以傳百代之民猶以一衣擬寒暑一藥治症
瘕臣變易常制輒上新議事之由趣具列表
左既免調庸兼給糧食於民為優於上為艱
又古者九年耕必有三年之食以三十年通
計有十年之食雖凶年水溢民無菜色今之
所議九國三十年之積三千二百餘萬以之

州... 卷一百二十七

混合正稅永代之蓄不謝上世伏冀倉廩之
實指期可待禮節之知不在遐年教誡其便
宜公卿議曰岑守所言抑有可取但古來所
行誠憚卒改試限四年依請行之故事天長
中進後四位上為勳解由長官兼刑部卿七
年卒類聚國史日岑守與中納言良岑安世
中務太輔朝野鹿取等撰內裏式序書先是
行旅太宰府者露宿道傍往往嬰病致死岑
守為大貳建續命院以備行旅止宿以謂不

大日本史 卷一百二十七

籍公力恐久而廢替乃叙才意修解文曰管
九國二島之民或公或私往來相續其求輕
者暫經時月其事重者竟歲始還容宿於府
倉之下賃寄於閭閻之間若疾病纏身手足
不便官舍督察非養病之處主家爭趁皆惡
死之人遂使露卧道路暴死風霜縱有時得
痊愈亦以飢寒死者十而八九矣見其如此
心深救恤聊建續命院一處檜皮葺屋七宇
鼎一口墾田百十四町以擬飢病有老無力

庶幾萬一地隔人遠執檢難回轉以屬人更
增踈廢若不藉乎公力恐應願之竟空伏望
令府監或典一人及觀音寺講師勾當其事
替代之日一事已上皆依實勘付若不加修
理令致破損及非法費用等之類竝以官法
論解文未上而卒後其家追請教下所司依
所請勾當之官遷替之日與奪解由一准國

司

續日本後
紀三代格

子篁自有傳

藤原三守參議巨勢麻呂之孫阿波守真作

之子也初為主藏正大同中累遷美作權人
內藏助叙從五位下拜右近衛少將弘仁初
歷藏人頭內藏頭兼春宮亮進從四位下除
式部太神兼左兵衛督七年拜參議兼春宮
大夫十二年叙從三位任權中納言補延曆
寺別當再兼春宮大夫三守以龍潛之舊恩
殊蒙寵遇帝讓位御嵯峨院三守請解武官
給仕院中辭旨懇切自解劔殿上觀者愍之
淳和知其不可奪聽帶權中納言侍上皇天

長中歷兼宮內刑部卿轉大納言兼兵部卿
彈正平仁明即位進從二位兼皇太子傅兼
和五年拜右大臣七年薨時年五十六稱後
山科大臣續日本後遺參議文室秋津等就

第宣詔贈從一位參議安倍安仁等監護喪
事三守互性溫恭明于決斷蚤入大學受習
五經好招引文人接杯促席遇諸塗則下馬
而過以此得稱譽續日本後紀弘仁中與右大臣
藤原冬嗣藤原葛野麻呂參議秋篠安人攝

常主等奉詔撰格式四人相踵薨逝三守研
究論定至天長七年書成表上之類聚子有
統仲統有貞有統後五位下侍從仲統參議
正四位下有貞以姊為仁明女御被罷遇兼
和中為丹波人不之任以宮闈之嫌出為常
陸權入任右近衛少將貞觀中歷因幡備
中等守叙後四位上為近江權守十五年卒
有貞不以權貴矜物而有忤其意未嘗回避

馬三代
實錄

安倍安仁左京人治部卿東人孫父寬麻呂
參議太宰大貳安仁身長六尺三寸姿貌瓌
偉性沉深有威重弘仁中為山城大掾聰昇
殿累歷中務民部少丞天長中除近江權大
掾父藤原房雄深相親善委任政事安仁為
政強濟名聞朝廷秩限未滿後從五位下除
信濃少視事三年境內肅然任終之年進一階
以獎勵焉補藏人頭三代實錄
補任兼和中歷兵部
刑部太輔為院別當侍上皇于嵯峨先是院

事壅滯安仁臨職數月平理上皇甚親任之
事無大小悉委決焉尋遷治部大輔上皇嘗
後容評論諸國吏才以謂無若安仁初在信
濃賜牙笏玉帶金魚袋及御衣一襲聞者相
賀曰是宰相之鴻漸也累進後四位下拜參
議兼刑部卿上皇謂安仁曰汝宜早居要職
何久行山院之事七年兼左大辨停別當自
後院事不理敕復兼別當辨官之務凌晨入
衙安仁退公之後常詣嵯峨朝廷恤往還煩

劇轉大藏卿文德在儲宮為春宮大夫歷兼
下野守彈正大弼為班河內和泉田使長官
兼右大辨叙後三位拜中納言兼民部卿春
宮大夫如故文德即位授正三位齊衡中領
陸奧出羽按察使拜權大納言安仁志尚謙
虛愛公如家謂子弟曰諸國調庸多入封家
納官者少所食之邑於身有餘乃上表請減
大納言所食給中納言之封帝嘉其有讓特
許所請尋為真兼右近衛大將無幾辭大將

大日本史卷之百二十七

表再上許之貞觀元年薨時年六十七安仁
練達政體明解朝章每有奏議應對無滯至
於假日教誡子孫有八子貞行宗行清行興
行最知名續日本後紀文德貞行自有傳興
行貞觀中授大內記勘解由次官叙後五位
下尋為遣大宰府推問密告使元慶中歷民
部少輔累遷上野介初清和帝遭太皇太后
崩喪汲期未決令諸儒議之興行與焉三代
藤原吉野太宰帥藏下麻呂孫參議綱繼子實錄

也性寬弘能容眾自少遊學手不釋卷而不
恥下問見賢已者勸勵思跂焉弘仁中歷主
藏正美濃少掾春宮少進叙後五位下除駿
河守境內肅清以強濟聞淳和即位入為中
務少輔遷左近衛少將天長中進後五位上
任左少辨兼伊豫守為畿內觀察使進後四
位下歷兼皇后宮大夫右兵衛督任參議兼
式部太輔春宮大夫叙正四位下兼右近衛
大將累進後三位權中納言仁明即位授正

大日本史卷之百二十七

三任請解宿衛之職陪千上皇養和初為中
納言上皇晏駕之後絕不朝參累表辭職不
許頻遣中使強起視事尋以親老請解職侍
養亦不許吉野性至孝定省溫清造次無違
其父嘗聞有鮮肉遣人索之庖人以吉野不
在鞫固不與吉野歸而聞之大悔恨涕泣責
讓庖人終身不復食肉教誨子弟接以溫裕
雖有過失未嘗作色而至執論則無所回避
寄住之處常種樹時人以為王徽之種竹之

風九年坐伴健岑事貶太宰員外帥頃之遷
配山城不許入京十三年薨年六十一續日
本後

紀子良近

良近風度清美容儀可觀雖無學術以政理
見推天安二年起家為刑部大丞式部少丞
貞觀初為伊勢少就路召還拜右少辨四年
丁母喪解職詔以本官起復之為次侍從任
越前權守數月任右中辨十四年少納言正
岑王等以病喪不就職因敕良近行少納言

州... 卷之二十七

事明年為土佐權守遷左中辨十七年叙後
四位下遷神祇伯卒于官年七十五良近有
膂力嘗醉與人同車行戲曰吾能令此牛不
行乃以手據車床閉氣堅坐牛張四足不前
某膂力過人如此三代實錄

朝野鹿取大和人正六位上忍海連鷹取子
也為叔父朝野宿称道長所子養延曆中請
復連姓敕追隆鷹取姓為宿称鹿取少遊大學
頗涉史漢兼知漢音始試音生任相摸博士

後登科為文章生尋為遣唐准錄事歷式部
少錄左大史左近衛將監弘仁中補藏人以
藩郎侍講叙後五位下補左衛門佐尋遭喪
解官服未闋起為近江外數年遷右近衛少
將轉内藏頭進正五位下歷兵部中務民部
太輔補藏人頭遷左中辨天長中檢後四位
上除太宰大貳上表辭之不許續日本後及
趣任帝御紫宸殿宴餞賜御製御被召文人
賦詩雅樂寮奏樂紀十年拜參議兼和中兼

大日本史 卷之二十七 十二

左大辨代藤原愛彥為民部卿上表以為臣
頽及已臻當褫朝章而今以臣拜民部卿恩
實不貲懼慙總萃中納言從三位藤原朝臣
愛發以茲顯職讓于愚臣以為智涉古今此
詞尤批臣雷所乖捫已多慙伏望還叔恩詔
免臣憂負不許數年兼越中守叙從三位并
其男女十九人賜朝臣姓十年薨年七十鹿
取多才藝立性謹慎臨事明了以吏幹稱

本後
紀

續
日

藤原良繩字朝台右大臣內麻呂之孫備前
守大津之子也風容閑雅舉止詳審興福寺
僧圓壹善相人見良繩曰必登卿相柔罷無
比退語人曰嗟乎於命獨有可惜矣兼和四
年為內舍人時同僚皆豪家年少奢侈放縱
無所拘束唯良繩勤遵法度見者內慙谷自
修飾相語曰朝台來則苦我去則莫不思者
中務省啓令侍東宮為太子所知愛擢藏人
嘉祥末遷左馬大允仁壽齊衡間授從五位

下為侍從兼播磨少拜春宮亮父大津在任
國得疾良繩聞而欲輒奔赴帝不許及山間
至逼血氣絕數刻乃蘇因去職詔奪情以本
官起之俄兼左兵衛權佐遷右中辨天安中
累遷任參議兼近江權守文德實錄貞觀初
叙正四位下轉左大辨嘗於山城葛野郡建
一道場名真如院其母紀氏為尼居任良繩
割俸祿充香火之資至此紀氏寢疾綿綴良
繩扶持不違左右衣不解帶目不交睫及其

沒解職哀戚過禮殆至毀滅數月後起復本
官是時右大辨南淵年名左中辨大江音人
班皆在良繩下良繩私語人曰二臣或碩儒
耆宿或朝家鹽梅吾齡少於二賢職居其上
出入進退常有汗顏左近衛少將藤原基經
少有風骨才望甚高時論皆謂非常之器也
先帝重其雅量最見親寵今共帶四位吾豈
應安席有少將帶四位者中將辭職是前賢
所傳也吾雖無古人之行竊懷慕遠之志久

塞賢路須早避之遂稱病篤屢取假職務頗
廢久之年名為左大辨音人右大辨基經中
將良繩遷右衛門督九年為太皇太后宮大
夫明年卒年五十五良繩素性寬裕不好華
飾孝謹天至忠信夙彰盡心奉上未嘗洩機
事特為文德被信任寵待加隆內外之事悉
委決之領諸司諸院別當之事未嘗有過失
後母安倍氏性悍忌諸子皆得譴責良繩事
之順謹獨所愛重每至文德忌日講法華經

終身不廢時人以忠孝併稱焉

三代
實錄

大日本史卷一百二十七終

大日本史

卷一百二十七

十五

[Faint bleed-through text from the reverse side of the page]

大日本史卷一百二十八

列傳第五十五

權中納言後三位源光圀 修

男權中納言後三位綱條 校

正躬王

山田春城


讚岐永直

伴成益

正躬王萬多親王子也幼而聰穎入大學讀

史漢善屬文年十八奉文章生試及第天長
中授從四位下累遷彈正大弼刑部大輔右
京大夫出為丹波守政尚清簡民不敢欺美
和七年任參議兼左大辨大和遠江守三代實錄
十三年法隆寺僧善愷告擅越少納言登美
直名強賣賤物過取屋直錢正躬王與同僚
上讞將抵直名罪右少辨伴善男以為正躬
為善愷地竊奏受善愷違法之訢於是下明
法家議大判事讚岐永直博士御輔長道斷

文曰檢訢狀直名所犯准賊布二十二端三
大據職制律准枉法論合遠流是所告之罪
鬪訟律云告人罪皆須明注年月指陳實事
不得稱疑官司受而為理者減所告罪一等
今檢諸辨所執彼此異論公私難辨然尋犯
由緒此緣公事致罪可無私曲仍須從公坐
法自詵上減一等徒二年半即罪輕不盡其
官聽贖銅五十斤者左大史伴良田連宇新
文曰諸辨須議善愷申訢者依令著俗衣然



後受訖狀而正躬王等執云僧尼令雖設權俗之法而元來未施行者其廢務皆以法令為本今既設權俗之法何更稱元來未施行又執云為備禁固處於閑奧防其逃逸理非資助者凡禁人之體廢人皆知寧處於閑奧可謂禁固乎又執云直名於國為奸賊之臣於家為貪戾之子者又云直名為道發覺望下僧緇自待利口求當訥舌正躬等審其奸計不許自牒者凡設官分職各有司存理須

任法付所司何稱訥舌之有司破法奪他人之職其鞠獄之官須置情平直無有愛憎而妄構異端鍛鍊成罪斯所謂屈法申情者又善男出牒其示違法之由而成益等執云於辨官推訖訟是往古之舊貫非昨今之新意是以申上官蒙處分所問者其稱舊貫事是實也但元不識法意從舊例有違失者須隨教喻之旨改正不可承循違法之舊貫而確執不移可謂知意故犯法名例律之私罪者

謂不緣公事私自犯者雖緣公事意涉阿曲亦同私罪理須依盜賊五十端已上後加役流上減一等處徒三年身帶五位已上請減一等處徒二年半五位已上一官當徒二年餘徒半年贖銅十斤合解官者彈正大跡漢部松長浙文曰今檢成益岳雄等所執事緣公論情無私曲雖所行違法猶是公罪但餘辨所執尋其論緒頗涉私曲摺誓之律條可謂私坐者敕以彼此異論科斷不同覆問條奏


永直等皆稱檢諸辨所執可謂有私雖然未有所曲仍處公坐何者准律私曲相須乃成私罪之故者又問松長曰成益岳雄同為受推之官而為公坐如何松長對曰今加覆勘前斷有失失錯之罪更無所避何者善男牒狀雖論律令數條不合受推之理而無引明注年月指陳實事之律若有引此律諫彼諸辨而猶不兼者自從私罪之法而檢請所執既無此文又永直等勘僧善愷訖狀辨官應

受推將否之狀曰正躬王等執論曰善愷無
進訢狀之日副手實結解就此等狀年月實
事既是明白也永直等猶稱不明遂斷違法
以此觀之勘案之興唯在永直等非是善男
意然則於此一事善男并諸辨俱涉誤失非
緣故犯據檢律條可為公眾但自餘違法之
事雖緣公事意涉阿曲准法而論皆是私罪
者又問所以善愷處笞四十永直長道等對
曰猶合處笞四十何者案所執辨官申上不

合俗形者然則辨官許答不合俗形准律官
人百姓共犯罪以官人為首仍許容之辨官
為罪首合處笞五十僧減一等合處笞四十
者既云許容之豈非挾私然則有私之說彼
此一同唯以未有所曲猶為公罪仍更詰難
公私之律上下失所相須之文廣注例義之
由永直等覺悟更無駁議以此論之既非公
罪何者名例律云公罪謂緣公事致罪而無
私曲者注云私曲相須即是欲顯公罪之理

更起私曲之文私曲二字其義猶隱故承私曲之下設相須之注然則相待於私曲二事全無一者乃名為公罪既云無私曲若此之二事互有一者不合入公坐其文已顯明且不公為私背私為公是公私不雜猶白黑之自異然則公坐之中何得有私私罪之中亦宜無公而長道等云有私無曲或有曲無私仍為公坐者文義俱亂其誣已甚又云私曲相須乃成私罪者仍按私罪之條終無相須

之句何以無據之傳說輒亂不疑之成文上下史所公私混義是亦不通也後經數日永直等更進所答不盡之狀云私曲者謂私之曲也相須之句者合私曲二字為一義連讀之意也今如此說者私曲是一事若是一事者相須之律終成空文加以衛禁律云弓箭相須若云私之曲者豈是弓之箭乎舉此一謬餘隨可知凡相須與不相須皆是法律之細例但史書之中多有此文彼此同例更無



異義忽出新意強亂舊文非但當時之戒當
貽後代之疑加以長道等初云私與曲二者
相須乃成私罪其後乃變為私之曲既云明
法豈有起辭而前後殊論向背異執斯而不
正者恐涉於弄法又松長所答理不可然何
者諸辨所受訴狀多乖法式而復推問之日
頻致違犯尋其意緒皆不過資助於訴人以
左右其事然則資助之情本未理須一同受
推之咎故失復何殊別而松長前後殊言公

私變斷遂云受書一條當稱誤失自餘諸事
應為阿曲生節目於一事分輕重於同意欲
辨公私還憎曲直又答云正躬王等執論曰
善愷無進訴狀之日副手實結解就此等狀
年月實事既是明白者仍檢諸辨問狀善男
問中已有不注指年月實事之條然則正躬
王等須當彼時悔悟所受訴狀已違法式而
其後明法博士等申返訴狀之日正躬王等
猶亦以手實結解執為明白之證明是故化

何得為失即是松長自賊夫人之辭也又以
問狀付永直等合決是非其後永直等對云
諸辨問狀彼此異執有疑勾勘因依訴狀勘
申者然則善男所問固為先覺何稱勘發之
與在永直等半謬妄如斯准的何據夫理有
一途法無二致今明法之家公私異論輕重
殊執各是自心流非人說遂使視聽多疑取
捨無准今之評議實罄愚管謹案名例律私
罪謂不錄公事私自犯者雖緣公事意涉阿

曲亦同私罪准據此律諸辨等自始受訴狀
至于推問之日其所違犯已涉私曲然則處
私之漸誠得其情所見如此不敢隱欺者式
部少輔小野篁亦同善男之議遂坐受推善
愷違法訴狀正躬及左中辨伴成益右中辨
藤原豐嗣左少辨藤原岳雄並徵銅十斤奪
官削爵續日本後紀小野篁
之議據三代實錄嘉祥元年詔叙
正躬從四位下成益從五位上豐嗣從五位
下正躬無幾為治部卿齊衡初為太宰大貳

妙選僚屬請攝良基臣勢復井為少監貞觀
二年召還明年拜參議兼彈正大弼上表曰
正躬聲華無算德望宰稱幸荷不時之宗恩
明參非據之重任分暉銳樹託孤銀漢猥負
丘山之恩慙無塵鬢之効况亦年髮玄暮孫
息稍衆名編宗親之籍身耗府帑之資臣雖
才質空虛猶冀破家為國思大公費內疚私
心因欲除諸子之王名與諸臣同齒列削宗
室之繁蕪省歲時之祿賞唯至女子蔭留一

身祿不及子於其降退式當悲吟竊見宗門
賜姓者多臣意所欽在平朝臣請除非女子
所有男兒皆賜平朝臣姓亦復諸姪希聖者
同預於此矣顧骨肉於天然深愛雖存添塵
漏於國用篤誠攸企許之子任世王繼世王
基世王家世王益世王助世王是世王經世
王并世王尚世王行世王保世王等十二人
與叔父正行王子高蹈王等賜姓平朝臣五
年遷刑部卿越前權守卒于官年六十五任

世仕文德清和陽成光孝四朝為肥後人甲
斐守至後五位上基世仕陽成光孝二朝為
治部少輔相模權从至後五位下三代實錄
山田春城字連城右京人曾祖白金為明法
博士該通律令言法律者咸資准據春城年
十五入學議峨上皇使皇子源明就學擇大
學生之雋者與之遊於春城應選與明讀諸
子百家遂授丹波權博士以為勉學之資上
皇崩仁明繼使卒業侍校書殿披閱秘書內

藏寮賜食遂授備後權少目遷備中權少目
承和十二年對策下科明年為少外記仁壽
元年授外從五位下頃之遂授駿河公三年
請之任為政聰察吏民畏憚之境內駿河郡
有神號阿氣大神新遷自伊豆國司白官建
祠奉祀稱宜祝競說妖妄誑惑百姓春城考
訊窮其姦狀歲時致享而已其秋以事入京
諸儒改判春城策僉曰尺木寸玉非無瑕節
况於大才古人猶泥陞置乙第本書乙作上
或作丁按上

大日本史卷一百二十八

之兼和十一年對策丁科此不當云
置丁策作一者蓋乙字訛故今訂之叙從五

位下歷勘解由次官玄蕃頭天安二年遷左
京亮兼大學助時卧病京職煩劇不能理事
因罷亮尋卒年四十九春城性甚寬裕而議
論切直無所阿避不事細藝不懼咎案卓有
儒者氣象文德
實錄
讚岐永直讚岐寒川郡人本姓讚岐公幼入
大學好讀律令性甚聰明所聰輒誦弘仁中
神明法得業生兼但馬權博士數年奉試及

第天長中為明法博士歷左右少史兼勘解
由判官兼和中外授外後五位下為大判事明
法博士如故歲中兼勘解由次官尋改賜姓
朝臣隸右京歷兼出雲權少阿波權掾法隆
寺僧善愷告少納言登美直名犯狀右少辨
伴善男與右大辨正躬王執論善男辨口便
侮蒙帝罷遇遂誣正躬王等許容善愷違法
之訴免其官爵先令明法博士尋斬正躬等
罪永直畏悼權勢不肯正言然執律私曲相

大日本史卷一百二十八 十一

須之義大忤善男之旨嘉祥元年刑部少輔

和氣齋之犯大不敬當絞詔減一等流伊豆

永直坐其事流佐渡三代實錄按續日本及後紀佐渡作土佐

帝不豫流人遇赦量移永直許入京續日本後紀按

三代實錄文德郎佐明頃之復本佐齊衡中

復為明法博士大判事文德實錄以老屨乞

骸骨許之以明法博士養病於家詔曰明法

博士律令之宗師也惜齒有耆者不傳正說

宜令諸生就第受讀永直閑卧私第生徒從

而受業或部省就門庭修講竟之禮法家榮

之貞觀初叙後五位下四年卒年八十永直

經歷數官判決能究其旨後之使司咸取則

焉大判事興原敏久明法博士額田今人等

奉刑法難義數十事欲遣人質問于唐永直

見之一一辨折疑滯款然其該通如此子時

人傳父業政姓和氣朝臣至左衛門大尉後

五位下三代實錄

伴成益右京人也父宇治人後五位上成益

少入大學及長能文章登進士科為左京少
進天長中歷式部少丞右京少進授後五位
下兼和中歷大藏少輔右少辨左中辨叙後
四位下成益為人質直奉法不阿權貴議僧
善體之訴不合旨奪官爵嘉祥中授正五位
上文德即位進從四位下出為丹波權守境
內清肅以廉潔稱仁壽二年卒年六十四續

本後紀文
德實錄

大日本史卷一百二十八終

大日本史卷一百二十九

列傳第五十六

權中納言從三位源光圀 修
男權中納言從三位綱條 校

藤原冬緒

安倍貞行

在原行平

藤原山蔭

藤原冬緒參議麻呂曾孫父豐伴豐後守伴豐

大正史卷之百二十九

尊卑分脉作豐彥今後冬緒永和為勸解由公卿補任一代要記

判官除式部大丞補藏人補十四年授後五位下

為右少辨嘉祥中歷伊豫及春宮亮仁壽齊衡間

進左少辨後五位上為肥後守貞觀初入為右中

辨帝讀孝經冬緒與大江音人侍之是歲叙後四

位下尋為太宰大貳三代實錄補任歷彈正大弼右大辨

兼勸解由長官美濃權守十一年又為太宰大貳

拜參議補任要記上書陳四事一曰凡軍旅之儲烽燧

尤切而數十年來國無機警雖有其備未知調用

若有非常何以通知今須下知管内國嶋試

舉烽燧彼此相通以備不虞若不言其由恐

驚動衆心望請下知事由依件調練二曰比

年之間公私雜人或陸或海深入遠尋營求

良馬出關之數凡千餘匹夫機急之備馬尤

為用而無賴之後每歲搜取若有罄乏如非

常何今將施禁制翻致謗讟當下知豐前長

門二州四年之間禁止出馬三曰諸國雜米

谷隨其本色輸納諸司諸所而成諸司全納

大正史卷之百二十九

用盡或諸所多致未進公逢有闕至有期會
不得廻捨負進之怠莫不緣此宜互嚴制庸
米雜米總納稅庫四日穀倉院地子交易物
比年間令監一人勾當其事每年交易輕物
輸進因茲勾當之人年初請領直箱其後府
司責其返抄而左右巧容不肯究進遂使不
知之吏招放還之煩熟尋其由理不可然凡
一官之事官長所行縱有其人何患不濟而
更置專當還致物煩望請當從停止府司一

向交易奉進詔後之

三代
實錄

明年叙正四位下

尋遷民部卿十七年兼伊豫權守帝讀史記
詔冬緒特侍其席明年叙從三位兼播磨權
守元慶中累表請致仕不許拜中納言叙正
三位詔換按河內和泉兩國遠撰其事頒下
國司聽其處分數年轉大納言上表辭之不
許尋兼彈正尹仁和三年累請致仕上表曰
臣懸車之期一過歸畢之望弥深叩重闈而
木通叫層天而無聰臣舊無耆老之德猥居

猷宜之官少不如人追感燭武之語老而彌
 耄猶耻趙孟之談故流水不迴空起歎於川
 上漏箭已盡豈犯罪於夜行伏念祿俸者士
 之所貪求也聖明者代之所希出也臣以八
 千年之殘息過一千歲之惟新方當惜此下
 春之景圖彼上庠之榮疲驂解駕暫徘徊於
 層軒之前涼燕辭梁猶栖遲於廣廈之下而
 月制初迫氣力不隨心識之內邈如河山手
 足之間遠同楚越仰北闕而隔趨拜望東岱

而催滯魂撫躬懷寶兢兢於素餐之惶揣分
 知歸遑遑於青蒲之請伏冀降油雲之澤感
 匪石之祈務帶彤闈婦頻素里收龍章之委
 龍就芟服面待終豈比掛冠都門疏傳遺漢
 朝之榮貴竊慕擊壤野外逸老樂堯年之餘
 生詔許之實錄代寬平二年薨年八十二補任要託
 子尊卑權木大學助公咏
 安倍貞行大納言安仁之子也三錄代仁壽中
 為右衛門權佐檢非違使齊衡天安間轉左

大日本史 卷之百二十九


衛門權佐為大和守文德貞觀初任刑部大
輔為堪津守下母憂解職詔起之十四年授
正五位下為陸奧守及拜辭引而升殿賜飲
及御衣明年奏曰爵祿之興為優功績然則
授叙史事當必其人而比年國司不依勞効
任意授爵由是預祿者衆調物減耗所司勘
出歷代不絕望請夷倭位階每年立叙法選
有功之胤隨年死之闕叙補二十人已下又
曰國中_之政莫重收納然則分配之吏可勤

其事而任用之官未必其人或被誘郡司稅
帳納藁為稻或見賂富饒酋豪以虛為實須
據格旨必科其罪而偏貪俸料不畏者罪望
請奪致虛納欠損國司之公廩先補所欠然
後科責若欠物巨多公廩數少長官已下相
共填納元慶中叙從四位上任太宰大貳詔
闕辭見賜御衣一襲拜舞而出親王公卿參
侍伏下遮留負行餞之以內藏錢一萬充圍
碁賭物酣暢而罷先是少貳藤原房雄行警

大日本史 卷之百二十九 五

固事遷任肥後守無人勾當負行奏請置伏
 烽候是長官之職然則警固有例何必別配
 勾當宜停少貳勾當府司隨宜処置又令筑
 後豐後兩國長官先經府司後聽入京若無
 府解不得輒發救後之三代實錄
 在原行平阿保親王第二子也初為諸王天
 長三年其母伊登内親王為子男上表請賜
 姓於是行平兄弟賜姓在原朝臣三代實錄兼和
 中補藏人叙後五位下為侍從累遷右近衛

少將齊衡中除因幡守天安元年為兵部大
 輔尋轉中務任左馬頭文德實錄補任貞觀中四遷
 左兵衛督前後歷播磨信濃備前備中四國
 守叙正四位下十二年任參議為檢非違使
 別當尋轉左衛門督三代實錄補任補藏人頭參議
 補藏人頭是為始補藏人明年叙後三位任太
 宰權帥三代實錄補任先是漕筑前肥前等六國穀
 為對馬年糧年中漂没十之六七漕丁溺死
 全到者寡行平奏請停六國運漕祭其民營



壹伎水田為對馬年糧停壹伎年貢課之六
國又肥前松浦郡庇羅^十嘉^二鄉產奇石香
藥唐人來者多採之新羅人掠奪貢舩者亦
經此島行平奏請曰檢案內元有九國三島
至于天長元年停多禰島隸大隅國止貢百
領鹿皮費三萬六千餘束稻之故也今此二
鄉地勢曠遠戶口殷阜又土產所出物多奇
異而徒委郡司恣令聚斂彼土之民厭私求
之苛切欲貢輸於公家總是國司難巡檢鄉

長少權勢之所致也加之地居海中境隣異
倍大唐新羅人來者本朝入唐使等莫不經
歷此島府頭人民申云去貞觀十一年新羅
人掠奪貢舩給綿等其賊同經此島來以此
觀之此地則當國之樞轄宜擇令長以慎防
禦又人民等言唐人必先到此島多採香藥
以加貨物不令此間人民觀其物且海濱多
奇石或鍛鍊得銀或琢磨似玉唐人取其石
不曉土人以此言之委不以其人之弊大都

如此望請合二鄉更建二郡號上近下近便
 為值嘉島新置島司郡領任土賦負但其俸
 料奉定正稅公廩之間令兼任肥前國權官
 公卿議奏曰聖人濟世以便物為先明王馭
 民以制宜為貴今行平所請二條漸欲省運
 漕之費存任土之規臣等商量管水田免年
 糧事年仍舊謀合權宜試許二年先明息耗
 合兩鄉為一島苟謂利公豈期膠柱宜隨其
 所陳允之三代實錄元慶中兼治部卿任中納言

叙正三位遷兼民部卿三代實錄補任上表辭曰臣

謹檢人民損益倉庫盈虛雖繫國史之常憂
 復關所司之明察既往任此職者皆是詳通
 政事廣蹈吏途僉曰之容其瞻所屬而已臣
 累佩銀魚久忍尸素終期粉骨已無才智之
 可施空叩丹心唯有老病之相迫上畏玄鑒
 下愧蒼生伏願陛下曲廻聖恩罷臣所職勿
 俾微臣為天工之盜機要為閑曠之官不許
三代實錄菅家文草仁和初兼陸奧出羽按察使尋上

表曰年滿致仕人臣之定節職罷賜聽人君
之恒規仰恒規於滯骸行瞻目盡知定節於
止足趨走何堪臣誤藉時來枉登華顯寵光
之榮已極盛於生成鴻霈之潤甚深過於涯
分今臣齡至七旬位高三品薄冰隨步迷鐘
鳴於夜行玄鑒兼顏恐漏盡於陰罪流汗於
絳縣老臣性愚蒙同貌於白首即臣鬚霜雪
逢名遂之時行身退之道臣才聞馬當懸車
之年負竊位之責臣所愧矣伏願陛下養臣

以罷所職優臣以賜放歸令者有所終責得
所塞不堪惻欵之至敕曰卿松柏之貞珪璋
其德憂國每形於顏色愛君無惜其賢賜而
能屈伸有常終始以道謙謙校古人之義汲
汲興大耋之嗟雖知卿有懇誠寧使朕無喉
舌卿其抑知止絕遺采勉體虛懷仍斷固請
魏陽元之就第當卜後年薛廣德之懸車莫
視今日亟表曰臣行平言中使左近衛少將
藤原朝臣高藤至伏奉敕旨不聽臣致仕抑

過臣乞身綸綵出而成久恩湛垂露毫毛酬
而無効首戴高山臣尸素尚矣妄濫虞舜之
官老耄及焉空忝王戎之任焦思之憤已滿
將稅累於薄韋噬臍之悔不休願避路於振
領苟守職之成達更策名而何取况臣負薪
寄質伏枕留魂每歎蒲柳之委風唯感葵藿
之向日誠切莊舄欲表戀越之聲苦同劉公
遂移卧障之病今陛下優臣既以國士之分
臣訴陛下豈以衆人之心雖云跼蹐迷方雖

云寒溫乖過不忘奉身而退猶耳量力而行
臣情見於辭淚隨於汙宸嚴鑒實恩許罷官
詔不許又上表曰臣重累表章及覆祈請愚
誠難達聖瞳未回適兼宣喻雖感亭育之仁
敢布腹心庶收矜恤之汗臣留形於藥劑之
中託命於棗榆之際老之云至嗟呼命焉况
位望甚高采達之分有限年毛已滿危淺之
生不常當陛下晏食宵寐之勞微臣不勝趨
拜顧微臣尸位曠官之責陛下必賜哀憐臣

匪席之誠宣卷古於殘喘臣結草之念將酬

恩於枯骸伏願陛下知臣赤心察臣丹悃蒙

冕旒於一日勿奪宿志於匹夫詔許之三代實錄

寬平五年薨年七十六神嘗奏創獎學院於

左京三條西宮記事畧抄抄子遠瞻右近衛將

監友干參議大宰權帥三代實錄

藤原山蔭左大臣魚名玄孫父高房越前守

山蔭齊衡天安間歷左馬大允右近衛權將

監神藏人叙後五位下為備後權公貞觀中

遷右近衛權少將復補藏人兼美濃守補任職事

神尋叙後四位下擢藏人頭兼右近衛權中

將三代實錄及陽成帝立奉仕上皇表請賜本品

秩罷中將不許元慶元年上表曰姑山之下

既非多士之林魏闕之前自是群材之府仍

辭帝聞請奉仙闈而人願至切天從未彰伏

願天恩假以殊貸停臣中禁八比之將終臣

外州四年之秩則上有成功之慈下無忘恩

之累詔許之為右大辨表辭不許三年又請

解職不許尋拜參議及檢校諸國班田山蔭

領撰津遠撰其事仁和二年叙後三位任中

納言兼民部卿三代實錄四年薨年六十五補任要記

山蔭建祠於吉田以祭春日明神至今崇奉

相繼諸神記世傳山蔭能割魚鳥時人稱得庖

丁術子有賴後五位下但馬守公利後四位

下但馬權守遂長後五位下主殿頭言行正

五位下左近衛將監兼三後四位下陸奧守

仲正後四位上左京大夫撰津守僧如無大

僧都尊卑分脈系圖持律精苦穎敏過人字多法皇

酷重之盛衰記○十訓抄曰山蔭赴筑紫見

攜嬰兒浮海妻惡非已出與乳母謀為誤失

手墮海頃之一大龜負兒而出得不死所謂

為所即如無也盛衰記亦載此事生子在衡自

有傳據盛衰記如無時所生也今無所考

大日本史卷一百二十九終

大日本史卷之一百二十九

[Faint bleed-through text from the reverse side of the page]

大日本史卷一百三十

列傳第五十七

推中納言從三位源光圀 修

男推中納言從三位綱條 校

藤原保則

小野春風

藤原保則右大臣繼繩曾孫父貞雄左兵衛
佐齋衡中歷治部民部大少丞貞觀初轉兵
部大丞為式部少丞八年叙從五位下補備

大日本史卷一百三十

中權公卿補任先是元旱飢饉道殣相望群盜公
行邑里蕭條英賀哲多二郡在山谷間去府稍遠
郡民或劫掠相殺或連袒逃散境內丘墟至無單
丁前守朝野負吉為治苛酷郡司有小罪者皆著
鉗鉢人民犯纖毫者捕案殺之囚徒滿獄什骸塞
路保則到任之初施以寬政省小過存大體放散
徒隸紓撫賑恤勸農業禁遊費於是百姓襁負來
附如歸田園盡闢戶口啟阜門不夜高賦稅倍入
遂受租稅返抄三十四年受調庸返抄十一年自

古以來未嘗有此類也十三年以勞叙後五

位上三善清行所任備中守按補任是月任

即遷備前少摠下文公在備前一十六年轉

如在備中補任所記是也今從之備前權守政績一如在備中凡厥僚下若有

奸伏不殺摘其咎竊語之云君久疲字官初

得此官必當立其廉節勉取采譽豈可滯一

州小吏乎然而上養父母下給妻子撓性屈

心受此濁穢是皆負憲之憂羈累善人僕有

薄俸隨君所用以資之謹勿犯官物即分與

其俸於是風化六行吏民畏愛号曰父母備
前備中界上有吉備津彥神國有水旱則躬
往禱之必致感應若境中有奸者神必罰之
神常見形語云感公德化冀助公為治終此
善績由是治化兩國年荐豐穰百姓和樂時
安藝盜憑險劫備後調縮逃入草莽道歷備
前石梨郡問逆旅主人曰此國太守政績何
似對云府君化民專用仁義一國之人盡為
廉潔恩信之感自通神明故國有奸盜者吉


備津彥神立降誅罰具語及其治化本未盜
色大變終夜歎息不寢向曉馳詣府門叩頭
自首云小民無狀畧奪備後官絹四十匹改
過服罪願賜生命保則召盜語曰汝知向善
終非惡人即與米糧封贓給付盜移備後僚
下皆云奸盜恐不達彼國保則曰彼既改心
歸誠豈更有變乎盜得移文遂送備後守小
野喬查悅即放盜自詣備前拜謝其以德感
人皆此類也十七年秩滿歸京兩備之民悲

號渡路戴白者各捧酒肴拜伏道左保則謂
 老人之心不可違為之留連數日相次競至
 不可遏止保則乃竊乘小舩而去有後者未
 到者暫泊和氣郡方上津備前郡司等聞其
 無糧儲漕白米二百石至泊處保則感其志
 受之不辭郡司等意此人過廉必不受及聞
 此報大悅頃之保則與國講讀師書曰舟中
 頻有怪風浪巨測望率僧徒來會津頭以禱
 海行講讀師率國分僧至保則語曰願諸僧

谷誦般若心經一遍足矣即以米悉與之夜
 中舉帆而去十八年任右衛門權佐兼檢非
 違使保則語所親曰昔者帝堯之民可此屋
 而封之時皋陶以大賢為獄官若有疑罪則
 令獬豸決之豈有枉濫之罪保則傳此下脫
 尋為民部太輔明年轉右中辨補元慶二年
 出羽夷叛燒秋田城出羽守藤原興世戰數
 不利搆政基經密召保則命招討之任保則
 辭曰非敢愛惜微軀恐貽朝廷之恥基經曰

自天智天皇時藤氏世立勲績朝所倚賴方
今身非伊周忝撰家宰遭此寇亂內慙外懼瓜
葛之義君亦可悉願盡智謀勿為飾讓保則
曰必不得已可用愚計者冀露肝膽無有所
隱恐殿下不能用耳基經固問計保則曰蝦
夷內附以來漸二百年畏服朝威無有寇逆
如聞秋田城司良岑按良岑姓也然則姓名闕
若以良岑為名則姓名闕
蓋闕文也聚斂無厭徵求萬端故致積怨反叛夷
種合從賊徒數萬窮寇死戰一以當百難與

爭鋒如今之事者雖坂將軍再生不能蕩平
若教以義方示以威信播我德音變彼野心
不用尺兵大寇自平基經曰善保則曰今雖
以恩信化之而醜類衆多猶有不馴服者可
以兵威臨之前左近衛將監小野春風累代
將家驍勇軼人前年頻遭讒謗免官家居願
先令春風率精兵示以朝廷之威信然後以
德招致未歷數月自應銷散基經大悅加保
則正五位下即以右中辨兼出羽權守擢春



風為鎮守將軍及陸奧公坂上好蔭皆愛保
則節度傳保則左衛門權少尉清原令望為權
掾右近衛將曹茨田貞額為權大目並帶木
官以討叛夷乃救出羽國司曰近日夷虜凶
逆殘害不止仍以保則任彼國權守宜從指
麾勿失警備三代實錄保則奉詔進祭晝夜兼行
飛驒繼途以奏形勢時夷虜強盛官軍屢敗
城堡失守群隊陷沒後騎十餘人皆無不褻
魂奪氣而保則容色不變略無畏悼之意則保

傳六月到刈察行事運籌策遣權掾文室有
房清原令望上野押領使權大掾南淵秋卿
等率上野見到兵六百餘屯秋田河南拒賊
於河北時秋田城下上津野大内梶淵等十
二村為賊所據有添河霸別助川三村夷倅
歸順之地也即令三村倅囚茲良民三百餘
人拒賊於添河次攻雄勝後將侵府雄勝城
兼十道之大衝最為要害仍遣左馬權大允
藤原滋實及茨田貞額等以雄勝平鹿山本

三郡不動穀給郡內及添河霸別助川三村
俘囚慰喻其心勸勵之俘囚深江稱加止玉
作正月麻呂等感其恩資誘二村俘囚二百
餘人夜襲殺賊八十人燒其糧食舍宅邊民
聲言津輕夷狄與出羽賊同謀或云不同保
則以為若不同則上野軍足以討滅之若同則
雖大兵難可輒制上野下野陸奧三國軍士
總四千人其陸奧軍先既亡歸上野軍旦來
六百人下野軍雖入畧未知強弱津輕夷俘

其黨多種不知幾千人天性勇悍慣習戰鬥
若速遠賊其鋒難當乃奏請常陸武藏兩國
軍合二千人以戒備非常廷議勅符曰以夷
狄攻夷狄中國之利也今覽來奏給官未穀
於雄勝郡俘囚多破夷徒此討之上者也亦
省來奏津輕夷虜天性麤獷若速凶類實為
難制塞下流言南北異曰或云既同或云未
同請發常陸武藏等兵備其非常今如奏狀
同否未審若果不同者所率見兵可得摧破

加之小野朝臣春風坂上大宿祢好蔭等谷
領精兵官待軍到振其威武但豫敕諸國簡
勇敢士若有危急馳傳上奏隨即差祭赴救
非晚務運奇策繫其枉心八月敕曰重省來
奏曲折具之事用奇正兵家所貴今募俘虜
多穢醜類雖是夷人慕義之至切柳亦國宰
撫馭之得方臨機之畧實當如此其能仁法
天等忠誠頻著聞而喜之克遂功績不亦美
乎按能仁法天蓋歸歎夷且春風好蔭等取

陞奧路入上津野村與兩國兵夾攻首尾今
如來奏已得要畧兵術雖多制勝為先左之
右之隨宜禽賊窮其巢窟勿令連脫仍送絲
帛一百四十匹於出羽班給俘囚又令越中
越後二國送米谷一千斛以充軍糧九月敕
曰所以遣春風等發精兵者為赴彼國之急
而今來奏曰為賊氣已衰官軍思奮重之迎
軍運糧為煩不細因茲論之春風等之前却
在彼國之強弱耳量勢施計不得遠度若當

國之力足以制賊者移苦而返之不必迎引
且津輕渡島俘囚等所請之事以夷擊夷古
之上計但野心難馴動靜易變偶生他意後
恐難制宜量事勢隨便進止至于饗會狄俘
非事之急若殄盡賊徒勞賜不晚今奉城燒
亡無處會聚但拔有功者加其賞賜足以勸
勵戎士何必大饗更致騷擾乎且其殺獲生
禽頗知破賊弥以勉勵速成大功州書頻奏
驛使屢馳務施平寇之策勿以稽延歲月先


是賊三百餘人來秋田城下請見僚佐乞降
文室有房藤原滋實單騎直到賊所聽其降
是日權从坂上好蔭率兵二十人自流霞道
至秋田營鼓噪而來盛建旗幟大觀威武既
而鎮守將軍小野春風率兵四百七十人至
秋田營北宣言春風御詔先入上津野教喻
賊類皆令降服於是賊酋七人相從而來保
則策其形勢知有降心然義後俘囚相謂曰
歸款國家賊之所怨若不殄滅後必相報仇

家多種豈得不懼加之乞降者其體踈慢不
協旧例保則奏狀取決十月敕曰夫兵凶戰
危先哲炳戒事不獲已乃用之耳今逆虜悔
過請欲歸順其於容許有何不韙但古之降
者去其甲兵面縛待命裁得制其死生然後
可謂降伏歸降之法若同舊制可速容受若
懷兩端言與事異奮我兵威一舉誅滅義後
俘囚之言不可不及覆觀德耀兵隨機可施
慎莫信其虛說貽哂於後十二月降賊進所

掠奪甲二十三領言曰皆悉截破稱身約裁
一無全者加之賊類或入奧地或所居隔遠所
遺甲冑搜求追進於是清原令望藤原滋實
茨田貞額等議曰今乞降之賊二百人所進
之甲二十有餘賊多甲少野心難測疑是矯
飾須待後進許納小野春風議曰春風自入
賊地具知逆類悔過之心今亦蒙犯霜雪乞
降懇切若懷疑慮抑而不納猶去逸就勞非所
以樂成保則以為令望之議雖有理春風之

謀非無權遂加慰納奏其狀又奏渡島夷酋
百三人率種類三千人詣秋田城與津輕倅
囚不連賊者百餘人同歸聖化若不勞賜恐
生怨恚由是遣權以藤原統行權掾文室有
房及令望滋實貞額等勞饗三代實錄初春風至
秋田常挺身入虜軍具宣朝命如保則意於
是夷虜叩頭拜謝云異時秋田城司貪慾暴
獷谿壑難填若毫毛不協其求者楚毒立施
故不堪苛政遂作叛逆今將軍幸以天子恩

命而詔之願改迷途歸幕府乃競以酒食饗
官軍豪長數十人相率隨春風至出羽國府
保則召見慰撫時有渠帥二人不肯歸府保
則語諸豪長二虜不來於汝心如何皆云殊
自有謀願暫垂寬假後數日斬兩夷首以獻
之保則即祭使撫納餘種自津輕至渡島雜
種夷人前代未曾歸附者皆盡內屬保則復
立秋田城壘柵樓塹皆倍舊制保則傳三年改
權守為真右中辨如故保則傳三月驛奏曰



按實錄奏狀首載奉敕符宜速進討而待小
 野春風坂上好蔭軍到而未遠矣及春風至
 教喻受降故計利害暫停征伐之狀冗長繁
 碎事皆見前故今即去取下一段此下奏狀
 摘要刪繁亦此例也征戰之弊非只一途案去延曆年

中所下當道陣圖以一萬三千六百人為一
 軍分作三軍輜重八百人擔夫二千人而今
 上野下野兩國之軍千六百人輜重擔夫二
 十餘人好蔭所率之兵五百人輜重擔夫千
 餘人因茲言之多違舊例中國之軍去年七
 月列著陸奧之兵九月入來會合參差整頓

有妨或臨陣難列或聽鼓易迷皆是忘戰日
 久習之令然也國內黎民若干苛政三分之
 一逃入奧地所遺之民隸數年之弊無自存
 之方况軍興以來運轉軍糧云今兩年少時
 不息無用之卒騷動部內待救之處還致巨
 害管最上郡道路嶮絕大河流急中國之軍
 路必經此迎送之煩不可勝計今重請大兵
 停討降虜國弊民窮難可克堪若慰撫部內
 之窮卒擄出奧地之逃民留中國之甲冑選

當土之例兵則降虜難及不足復畏因此爰
亂不窮誅戮恐紕御如失邊難不絕更祭大
軍撲滅無燼國家之長策天下之上計也臣
等不敢專決持疑於懷進退之間謹待天策詔
令上野下野兩國在軍甲冑器仗留付出羽
六月又驛奏曰臣保則等行事相違兵威未
振適降恩詔暫罷征討逆類再生平民復業
但臣等以為夷狄之性強弱難測朝為輕寇
夕且重戮繼請降之後如有小變臣等恐偏

慮存國還陷罪戾望更賜天使檢察其事

三代

實錄州民夷雜居田地膏腴多產珍貨豪吏兼
并私增租稅恣加徭賦推門子弟年來求鷹
馬無有紀極邊民愚朴唯隨其求不知所訴
由是編氓貧窮斫楛多致富溢保則嚴張憲
法有不法者捕而案之百姓安堵邊庭清平
時陸奧夷虜有訟皆至出羽取決初保則在
兩備專以仁惠化之及治出羽嚴以理之吏
民有罪無復所宥四年四月召入京在朝卿

相皆稱其勲績保則辭謝之此皆朝威之所
致非愚略之有施是時天下皆以為保則不
勞一卒平定大寇朝廷必當賞其殊勲而以其
辭讓遂無優崇之制良岑貪婪致此寇亂而
亦無懲惡之典由是眾議多譏基經刑賞失柄
保則性樂靜默不好劇務屢陳基經固辭辨
官五年任播磨守補任為兼
播磨權守辭不赴六年進
後四位下保則曰年既老矣當修功德為冥
資我聞讚岐國多紙又有能書者當赴彼國

書寫修多羅阿毗曇等請為讚岐守

補任為兼
讚岐守

州民皆學法律動成諍訟自保則入境人皆
知廉耻風俗大改秩滿歸京居西山別墅無
復出仕之志仁和三年任伊豫守辭不赴除
太宰大貳進後四位上保則頻稱病不肯就
職朝廷屢加慰喻強以奏遣保則在鎮府政
尚清靜吏民感服令行禁止先是姦猾猥聚
鎮西筑前筑後肥前三國尤為群盜之藪澤
人有蓄積者必為殺畧鄉閭騷擾道路隔絕

府官及國司死兵捕殺不能禁止保則莅鎮
皆云宜多殺軍士悉誅鋤之保則曰吾聞渠
帥率非編戶之民或良家子弟或舊吏僕從
遂衣食之利取婚姻之便寓居邊城猶如棗
梓而比年不稔生產失利無賴之輩同惡相
濟州民赴之大半為盜今悉捕而殺之則里
落之內閭而無人縱有隣國之警誰人城守乎此
輩未必懷凶狡之心多是為飢寒過迫而已
若施以恩惠自應食棗改音即以其俸米賑

贍三國深加慰撫賊徒大悅相語曰府君以

父母之情遇我我豈不盡孝子之志乎相率

改行寬平三年辟為左大辨

保則傳此下在
公被召入京之

後未歷數月大宰府上奏之文
然又字殘缺無所考正今不取

尋任參議兼

近江權守遷兼民部卿七年卒年七十一

補保

則天性廉潔以身化物僚下有貪穢者推誠
教誨若遂不悛不與之接言語見其有一善則
喜見顏色常稱譽推舉助成其美又有知人
之鑒嘗任備中小野葛絃年少為掾保則稱

卷之百三十一

曰必當為天下循良之吏又在讚岐時管原
道真代為守保則竊語曰新太守當今碩儒
非吾所測知但見其志恐非明哲保身之士後
皆如其言年未五十不近婦人潛心佛教尤
熟空觀常誦金剛般若經未嘗退倦撰集諸
家義跡以為一部究討其義莫不該通自未
有疾忽語人曰死期既兆何可終身於塵勞
之中才營一室於叡山東坂薙髮為僧晝夜
念佛名數月而逝保則傳子清貫昌泰延喜間累

歷顯職至正三位大納言兼皇太子傳延長

八年震死於清涼殿年六十四補任技
桑畧紀

小野春風後五位上石雄子也三代
實錄累代將

家驍勇超人三善清行所著
藤原保則傳貞觀十二年叙

後五位下補對馬守奏請二事一曰軍旅之

儲唯在公胃公胃雖薄助以保侶請縫造調


布保侶衣十領以備不虞二曰軍興不虞倍

日兼行轉餉易絕輜重難給請以調布縫造

納桶帶袋千枚而令士卒帶之以為急速之

用勅許之以大宰府庫布造之是月遷肥前
權公春風兄春枝為陸奧權守春風奏曰往
歲臣故父石雄家有羊草甲午草甲各一領
弘仁中在陸奧被其甲討平夷賊歿後兄春
枝進之官願賜羊草甲以備緩急歸京之日
宣速納官許之牛草甲給春枝三代實錄稍遷為
左近衛將監被讒免官家居保則傳元慶二年
出羽夷反守藤原興世戰屢敗藤原保則以
春風薦堪政基經擢為陸奧鎮守將軍賜甲


胃一具與權公坂上好蔭星夜進瓮先入陸
奧各將精兵五百人救之又敕須依拾分付
受領而率將軍兵向出羽國宜令前將軍安
倍比高准見任例暫行府政既而春風至陸
奧出羽權守藤原保則遣權掾小野春泉於
鎮守府議軍事未至春風率兵四百餘取陸
奧路入上津野宣諭恩詔賊徒悉降九月從
上津野至秋田宮春風少遊邊塞能曉夷語
脫甲釋兵入虜軍其宣朝命三代實錄於



大日本史卷一百三十一

是夷虜大服奉書乞降賊酋七人相從而降
明年六月引軍而還仁和中叙後五位上至

大膳大夫撰律權守 三代實錄



[Faded vertical text columns, likely bleed-through from the reverse side of the page]

大日本史卷一百三十終

